

真阳元老玄一君道经第七

“真阳元老玄一君道经第七

上清大洞真经卷之二

茅山上清三十八代宗师蒋宗瑛校勘

命门桃君章

谨请命门桃君孩道康，字合精延，常守兆脐中之关，命门内宫死炁之门，使兆脐中徘徊，黄云盈溢，三命生根，胞结解泄，令七世父母，累殃无阂，宿罪无滞，世世获度脱，上生天帝宫。

真思命门桃君孩道康真炁黄云之色，罩于顶上，默咒曰：

丹灵正神，号曰桃君，混合生宫，守护命门，通仙致炁，齐景宝云，七祖同欢，受福高晨。



次思黄炁从兆泥丸中入，兆乃口吸神云，咽津三过，结作三神，一神状如金甲将军，二神侍立，下入绛宫，充于命门内宫，顺时吐息。

诵玉经。

大洞玉经曰：

真阳馆名帝宾老，受事会玉皇太道君，灭魔除秽水，百司诣绛宫，逸宅丹玄心宫内，五炁结十方，七转司命至，三回召仙公，太山主鬼者，急校三官中。

高上神霄玉清王祝曰

五岳真人，定录四宾四门宾友，司命促到，护籍理民，起非神名握节，云拘神名执幡，香火八被，恶魔绝烟，并来对帝，万万称臣，度我生籍，名迁玉门，扶翼五老，慎护披陈。

玉清紫微帝君祝曰

太上时非子桃康别名，一曰合精延，是为命门王，可以召万神，万神即时到，合会琼羽门，使令散祸，祸绝福连，上寝玉堂，世为名仙。

毕，乃口微祝曰：

天上内音，玄幄沙，称福神。地上外音，无生死，入胎门。

大洞命门桃君消魔玉符

诀曰：当朱书黄绹佩之，存呼桃君内讳名字，镇我脐中之关，守固胞根，断绝死炁，生血成仙，七祖反胎，更生南轩。乃叩齿九通，咽液三过。



🕒版本号 #3
★由 上清持伟 创建于 16 九月 2022 10:03:17
✍由 上清持伟 更新于 16 九月 2022 10:12:20